



## Unioni de is Comunas de su Partiola e de su Campidanu de Bàsciu

Progetu "Sa Lingua Sarda 2", Avisu TuLIS - Annualidadi 2023



Comunu de Barrabi



Comunu de Partiola/Sici



Comunu de Donori



Comunu de Serdiana



Comunu de Sètimu



Comunu de Solèminis



Regioni Autònoma de Sardigna - Lei 482/99 e L.R. 22/2018



Comunu de Serdiana

## IS MONTIS


Prus chi atru funt coddus, ca nisciunu de custus lompit a is 600 m de artària.



## S'Isca Manna

Sa baddi de "Isca Manna" est posta a 312 m de artària a pillu de mari. Est unus 10 Km a tesu de Serdiana e dd'atruesat s'arriu "Flumineddu", a tretus ammantau de leunaxi, e prenu de mitzas. Nci crescint crecus meda, tzinnìbiri, ollastru, murta, modditzi, e fait a nci biri pillonis cummenti tidori, perdixi, e bèstias cummenti sirboni, margiani, lèpuri e cunillu aresti.

## Monti Acutzus



A nord de Serdiana, conca a Donori, ddoi est su Monti Acutzus chi su cùcuru suu lompit a is 582 m e duncas est su monti prus artu. Nci crescint ilixi, tupas de murta, murdegu, lioni e modditzi. Mancari su nòmini, su cùcuru suu no est acutzu, ma prus a prestu arrumbulutzu.

## Monti Nieddu

Est artu 503m e est unus 6 km a tesu de sa biddu.

Atrus montis de Serdiana funt: **Is Pillonadoris** artu 541 m, **Perda Rubia** artu 519 m, **Sedda de Marru** artu 472 m, **Bruncu Marraconis** artu 484 m, **Bruncu Carroccia** artu 474 m.

## IS FLÙMINIS

In su territòriu de Serdiana ddoi funt duus flùminis de genia trubu: s'arriu "**Rio Bonarba**" chi nascit de is montis de su Gerrei, e candu passat in is sartus de Serdiana pigat su nòmini de "**Rio Flùmini**" mentras conca a sa foxi si mudat su nòmini in "**Rio Mannu**". Si ghetat a mari in su stani de Santa Gilla, in su Gulfu de Casteddu.

S'atru arriu, "**Rio Bardella**" mudat de nòmini pustis chi cummintzat su camminu suu e ddi nant "**Rio Balardi**", e est unu afluenti de su "**Rio Mannu**".